

**AGENCIJA ZA SIGURNOST HRANE  
BOSNE I HERCEGOVINE****621**

Na osnovu člana 41. stav (2) Zakona o hrani ("Službeni glasnik BiH", broj 50/04) i člana 61. Zakona o upravi ("Službeni glasnik BiH", broj 32/02), direktor Agencije za sigurnost hrane Bosne i Hercegovine donosi

**NAREDBU****O PRIVREMENOJ ZABRANI UVOZA U BOSNU I  
HERCEGOVINU, PROVOZA PREKO TERITORIJE  
BOSNE I HERCEGOVINE, POVLAČENJU SA TRŽIŠTA  
BOSNE I HERCEGOVINE MLIJEKA I MLIJEČNIH  
PROIZVODA I MJERAMA POJAČANE KONTROLE  
NA TRŽIŠTU BOSNE I HERCEGOVINE  
PREHRAMBENIH PROIZVODA SLOŽENOG SASTAVA  
KOJI SADRŽE MLIJEČNU KOMPONENTU  
PORIJEKLOM ILI ISPORUČENIH IZ NARODNE  
REPUBLIKE KINE****I.**

Privremeno se zabranjuje uvoz u Bosnu i Hercegovinu, provoz preko teritorije Bosne i Hercegovine mlijeka, mliječnih proizvoda i prehrambenih proizvoda složenog sastava koji sadrže mliječnu komponentu porijeklom ili isporučenih iz NR Kine u cilju sprječavanja ozbiljnog rizika po zdravlje potrošača, koji može nastati kao rezultat izlaganju sadržaju melamina u navedenim proizvodima.

**II.**

Određuju se mjere povlačenja sa tržišta Bosne i Hercegovine i neškodljivog uništavanja mlijeka i mliječnih proizvoda porijeklom ili isporučenih iz NR Kine.

**III.**

Nalažu se mjere pojačane inspekcijske kontrole, uzorkovanje i analiza na melamin prehrambenih proizvoda složenoga sastava koji sadrže mliječnu komponentu porijeklom ili isporučeno iz NR Kine.

**IV.**

Nadležni inspekcijski organi moraju osigurati da svi prehrambeni proizvodi složenog sastava koji sadrže najmanje 15% proizvoda od mlijeka porijeklom iz NR Kine, a nalaze se na tržištu Bosne i Hercegovine, budu sistematski testirani.

**V.**

Svi proizvodi za koje se utvrdi da sadrže melamin u količini većoj od 2,5 mg/kg proizvoda moraju biti trenutčno neškodljivo uništeni.

**VI.**

Prehrambeni proizvodi složenog sastava, kod kojih nije moguće ustanoviti sadržaj proizvoda od mlijeka također moraju biti testirani u skladu sa odredbama tačke V. ove Naredbe.

**VII.**

Sve troškove nastale primjenom ove Naredbe snose subjekti u poslovanju s hranom.

**VIII.**

Ova Naredba stupa na snagu danom donošenja, a objavit će se u "Službenom glasniku BiH".

Broj 01-1-02-2-1013/08  
8. oktobra 2008. godine  
Mostar

Direktor  
mr.sci. **Sejad Mačkić**, s. r.